

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY  
JAN 10 1941

15

T 3237/4632.83

梧州府志卷之二十三

哈佛大學漢和  
圖書館珍藏印

詩賦

四言古詩

漢

喻猛歌

漢和帝時蒼梧太守以  
清白為治郡人頌之

於惟蒼梧交趾之域禹貢厥人島夷卉服大漢維  
宗廸以仁德出自中臺鎮於外國鳩集以禮南人  
入服簡於帝廷功化畢植

五言古詩

齊

午日咏嶺外風土

魏 收

麥涼殊未畢，啁鳴早欲聞。  
喧林尙黃鳥，浮天已白雲。  
辟兵書鬼字，神印題靈文。  
因想蒼梧郡，茲日祀

陳君

陳君名臨後漢時太守

唐

安輯嶺表事，平罷歸

唐 李 嶠

雲端想京縣，帝鄉如可見。  
天涯望越臺，海路幾悠哉。  
六月飛鵬去，三年瑞雉來。  
境遙銅柱出，山險石門開。  
自我違瀍洛，瞻途屢揮霍。  
朝朝寒露多，夜夜征衣薄。  
白簡承朝憲，朱方撫夷落。  
旣宏天覆廣，且

諭皇恩博，皇恩溢外區。  
憬俗咏來蘇，正朔臣天子。  
壇揚拜老夫，絳宮韜將略。  
黃石寢兵符，返旆收龍虎。  
空營集鳥鳥，日落澄氛靄。  
憑高視襟帶，東甌抗於越。  
南斗臨吳會，春色遶邊郵。  
飛花出荒外，卉服紛如積。  
長川思遊客，風生丹桂晚。  
雲起蒼梧夕，去舳艤清江。  
歸軒趨紫陌，衣裳會百蠻。  
琛賚委重關，不學金刀使。  
空持寶劍還

宋

藤江

蘇 軾

繫舟藤城下，弄月罽江濱。  
江月夜夜好，雲山朝朝

新

藤州江上夜起對月贈邵道士

江月照我心江水洗我肝端如徑寸珠墮此白玉  
盤我心本如此月滿江不湍起舞者誰與莫作三  
人看嶠南瘴癘地有此江月寒乃知天壤閒何人  
不清安床頭有白酒盞若白露團獨醉還獨醒夜  
氣清漫漫乃呼邵道士取琴月下彈相與乘一葉  
夜下蒼梧灘

光華亭

霞通海天曙月來東山白共是凭欄人誰作當秋

色

冰井

任詔

驅車出東門弭節訪冰井寺古棟宇傾碑斷蒼苔  
冷源泉井中生瑩淨可鑒影命僧旋汲之入口勝  
霜冷試烹白雲茶碗面雪花映清涼滌煩囂潤澤  
勞瓶縷可以濯我纓悠然脫塵境

明

題行臺喜雨堂

韓雍

提兵靖南蠻三載兵始收吾民尙凋弊所事惟田  
疇如何耕植時未見雨澤流地坼苗漸稿比屋聲

啾啾且聞中原地旱亦傷來牟中原流徙多北寇  
 懷奸謀一或歲太凶所在生百憂我忝大夫後與  
 國同戚休德涼召時災恐懼當禱求聖主重民命  
 祀神禮先修詔來臨海邦氣已潛通幽果然賜甘  
 澤旬日遍九州枯槁咸回蘇百穀定有秋酷暑亦  
 淨洗炎荒涼颼颼聖德與天通民亦知所由兒童  
 競鼓舞父老齊歌謳小堂適苟完懽感惟我尤羣  
 公携酒至且有新詩投扁以喜雨名酌以黃金甌  
 我愧不能當題詩紀皇猷

藤江諸勝

富禮

峽口漲晴嵐秀色觀如赭天寒山鳥啼月白林猿  
 下仙人讀書臺石磴哀湍瀉  
 斷崖如削鐵開闢自太古江風西北來斑斑濕秋  
 雨扁舟晚經過中流欲歡舞  
 東山夜鴻濛夜色白如晝明月斗牛閒江動金波  
 溜步歸松徑深清露濕衣袖  
 江流島嶼孤亭亭聳高髻螺堆晚霧濃翠滑春雲  
 細徘徊顧清影澄江去無際  
 有懷  
 吳廷舉 郡人  
 我懷雲山陰楓林草廬孤廬外晝所見穹然雙親

墓中夜何所聞數聲反哺烏一動劬勞想泪雨濕  
靡蕪世孰知苦心仰天真茹荼無以慰岑寂短吟

寄區區

墓讀平聲音模漢書班固敘傳陵不崇墓於此見前人偶用古韻亦非漫爾也

火山

吳淇

梧城臨大江火山距對岸傳聞越王陀理劍山之  
畔此劍本龍精曾經歐冶鍛斷巖巖自裂吹髮髮  
自斷入地二千載了無剝蝕患咬若屈陽華夜射  
斗牛爛我欲往掘之博識愧雷煥神物會有時不  
求或自見情蘊道無去精存氣自貫夢中肯飛來  
何待風胡辨持以行四海一决浮雲散

雲凌斑竹

孔鏞

雲凌竹上痕莫是玉環淚君不見瀟湘斑斑白殊  
異

採桑化石

桑女徒自傷化作青青石雲鬟懶不梳長向江邊

立

七言古詩

後漢

陳臨歌

後漢陳臨子然為蒼梧太守民有遺腹子報父仇捕得繫獄臨傷其無子令其妻入獄產得男郡人歌之

蒼梧府君恩廣大令死罪囚有後代

蒼梧陳君惠及死能令死人不絕嗣德參古賢天  
報施

宋

吾謫南海子由雷州被命卽行了不相知至梧乃  
聞尙在藤也旦夕當追及作此詩示之

蘇軾

九疑聯綿屬衡湘蒼梧獨在天一方孤城吹角烟  
樹裏落日未落江蒼茫幽人拊枕坐歎息我行忽  
至舜所藏江邊父老能說子白鬚紅頰如君長莫

嫌瓊雷隔雲海聖恩尙許遙相望平生學道真實  
意豈與窮達俱存亡天其以我爲箕子要使此意  
畱要荒他年誰作輿地志海南萬古真吾鄉

江月樓

樓以蘇子瞻  
江月詩得名

秦觀

仙翁看月三百秋江波日去月不流肯因炎塵暝  
空闊真與江月同清幽蒼梧雲氣眉山雨玉簫三  
弄無今古九天雨露蟄蛟龍琅玕長凭清虛府

九日宴浮金亭

趙宗德

東山樹何青青鐔津水何泠泠茂樹可蔭流水可  
聽眉山夫子能解事却於水邊樹下構危亭洪波

浴日金錯落瘴雲不雨烟濛溟風塵瀕洞去天遠  
草木蒼鬱知地靈監州爲愛黃花節携我登臨邀  
衆客假令有酒多似藤江水豈能洗我胸中之鬱  
抑甘侯昆玉文武全傾蓋交遊五情熱故人亦有  
許判官清政平生心似鐵文采風流喻幕賓曾陪  
驄馬清南越劉君元是薇省郎治民有道多籌策  
令簿懷才亦不群芳名皆在斯文列儒林龔魏兩  
茂學逸氣真與青雲接孟嘉落帽是何年岸幘西  
風感前哲天荒地老事茫茫白髮無情滿頭雪醒  
時飲醉時歌尊前要使衰顏酡不飲奈此清興何

人生聚會能有幾江海親舊今無多

梧州江上夜行

葛長庚

雲去雲來幾點星城頭畫鼓轉三更草深螢聚潭  
成燐月暗鶴飛惟有聲何處夜航鳴櫓過滄江如  
鏡煙半破忽然長嘯驚沙鷗飛入前山不畱個  
明

過蒼梧峽

解縉

廣西下來灘復灘三百六十長短灣潭心綠水緩  
悠悠長灣短灣凝不流涓涓千尺淨見底隔岸空  
行魚曳尾忽然路絕山勢回峽石水聲如怒雷石



木州府志 卷之二十三 七  
齒鑿鑿森鯨牙龍騰虎躍鸞回車我行已過正月  
半一夜水生浮漢槎龍潛虎伏杳不見但見滿江  
圓浪花浪花飛雪掩萬瓦船下高灘疾如馬浪船  
起向空中擊舉舵齊橈不用力舟師持篙眼如虎  
指住石頭輕一擲直下水痕奔箭急老稚憂懷行  
感泣齒聲剝剝叩神靈拋紙燒香齊起立爲言水  
淺僅容舸下灘失手爭纖毫水聲怒起兩岸迫撇  
旋指顧下洪濤龍君水伯似相曉此水不大亦不  
小燒楮瀝酒謝神功好似春遊在靈沼翻思初下  
象鼻山怕問行人多苦煩驚心落水昭平驛慮患

防厄不暫閑忽見蒼梧山下日耳聞鶯語自閒關  
豈知平地風波惡何處安流不險艱此心常似初  
來日三峽滄溟任往還

傅節婦吟

黎暹 省人

柳折懷水風花落懷山雨潘家之妻傅家女年少  
良人死羈旅旅魂依依旅骨歸抱骨長號骨無語  
骨無語生何爲蕭蕭後園園樹枝園樹枝頭不得  
死歸來死向深閨裏許君心還君身生同枕死同  
墳夫亡見烈婦國破識忠臣何如宋代賈餘慶視  
棄君王如路人

龍巷石

黎暹

巉石粼粼巨江北凌風欲渡鬢鬣赤貝宮清淚濕  
羅衣複道西風留轍迹露肥苔蘚盤石幽天光搖  
落雲不流晚涼灑掃石上月一線長繫江聲秋

撫猺歌

區昌

何年政令苛且煩我民棄業投深山弓刀雜居夷  
與蠻欲悔無路何由還天子仁明照八垓有如妍  
媼臨鏡臺不以刑威奪恩愛故遣縣令勤招徠勤  
招徠意甚長捐爾刀與鎗飾爾巾與裳挈爾妻兒  
復土鄉爾田爾莊爾稼爾桑我蠲爾差除爾糧爾

不悛兮爾自戕爾尙歸來來莫遲我有賞犒恤爾  
私爾尙歸來來莫疑我心誠信天所知携扶老幼  
登縣門享我紅酒及牛豚爾老有子子有孫同歸  
壽域同天恩

蒼梧行送沈道微參知

俞安期

九疑南去蒼梧邱重華巡後歸中州牛女北來野  
垂盡鬱黔南瀉江分流地連五嶺多巖竇雨暘寒  
燠稱殊候九月惟看月似霜一冬不斷花如繡由  
來風氣稍雜夷跣行鼻飲還蹲踈女兒晝挂金錢  
舞蠻童夜捧蘆笙吹更有猺人便騎射輕生每獵

孤城下賦稅寧來大國供衣裳未習明王化分藩  
此去今屬君虎牙高建蒼梧雲車書試使通化外  
萬里安事銅船軍

朗吟亭

管大勳

北風搖蕩江雲飛與客登山扣石扉寒鴉枯木少  
人跡青蛇寶劍長八尺朝從北海過洞庭暮掃蒼  
烟吹石壁汲盡三江無一滴坐看二儀自闔闢世  
人滔滔名利閒不如灑落歸深山深山中自有仙  
家渴時甘露饑胡麻興來醉臥松根石寤覺長天  
秋一碧吁嗟呂仙何處尋颯颯山風聞朗吟

蘇春志閣山島洲來員... 南園無... 蘇... 曹... 正言... 詩賦

五言律詩

唐

經梧州

宋之問

南國無霜霰連年對物華青林暗換葉紅蘂續開  
花春去聞山鳥秋來見海槎流芳雖可悅會自泣  
長沙

按此詩通志載題梧州陳司馬山齋為孟浩然  
作今考舊府志乃經梧州宋之問作宋嘗以貶  
謫過梧孟未嘗來梧也或謂孟嘗為張曲江聘  
赴荆幕安知其不過梧耶然自泣長沙孟不應

為此語矣且詩中并無題司馬山齋意與題不  
合即詩之格調氣韻亦是宋非孟不待考其本  
集而可知耳

過蠻洞

宋之問

越嶺千重合蠻谿十里斜竹迷樵子徑萍匝釣人  
家林暗交楓葉園香覆橘花誰憐在荒外孤賞足  
雲霞

送端公之容州

陳羽

分命諸侯重歲蕤繡服香八蠻治險阻千騎踏繁  
霜山斷旌旗出天青劍珮光還將小戴禮遠出化

南方  
宋命

送呂濤典獄之梧州

陶弼

峽口蒼梧縣城依南斗魁江潭海潮上地熱火山  
來草沒嘉魚穴雲封拜表臺到應無獄訟荳蔻酒

頻開

容管

一年勾漏守尋盡洞中天佛記盧藏用仙壇葛稚  
川醒心西粵水燒眼碧池蓮我豈無新事詩碑與  
酒泉

蒼梧卽事

謝孚

近岸江聲急孤舟下杳冥峽泉飛瀑雨灘石走羣  
星水有瀟湘色猿同巴蜀聽令人思舜德一望九  
嶷青

過梧州

易謙

城空花爛熳樓迥雨瀟條毒草春生瘴蠻江晚上  
潮魚肥堪把釣鳳去不聞韶萬里雙持節恩波賴  
聖朝

元

梧州嘉魚亭

傅若金

舟楫回沙驛旌旗駐郡亭江通五管白天落九嶷  
青此日瞻雲氣誰家見客星軍需晝夜急寇盜幾  
時寧

明

蒼梧卽事

林弼

駐馬蒼梧野雲烟半杳冥荒林虞舜廟斜日呂仙  
亭城枕三江險山連百粵青長歌舒逸興激烈振  
林垌

發梧州驛

韓守益

早發梧州驛新晴宿雨收暖風寒食後啼鳥綠陰

稠到處停蘭棹逢人問象州隄防多鼠盜終夜枕  
戈矛

蒼梧作

袁表

氣候南荒異蒼梧濕更饒山雲晴忽雨江霧夜連  
朝病與炎俱劇愁隨瘴不消故鄉那可望桂嶺已  
迢迢

蒼梧夏泊呈同行楊少室憲長

謝少南

嶺外自恆炎梧山更鬱盤江林偏作癘冰井不生  
寒並艤枕椰樹初看荔子丹仙舟涼夜興飛雪灑  
鳴湍

成化七年十二月十八日余與總鎮太監陳公總  
 兵官平江伯陳公視耀武揚威關畱欵慶林寺  
 寺前山坡之上其平如掌下臨長江旁列茂樹  
 衆登覽爲之躍然喜勝地之偶得而因念時事  
 浩然興發作一詩書貽寺僧同遊者叅議王孟  
 育馮文綱也

韓 雍

嚴關閱初遍下馬憩禪林樹覆連天幙泉鳴隔澗  
 琴憂民成老疾報國喜同心聞道西征急何時聽  
 捷音

書蒼梧署中

錢 薇

兩載天南棹兼旬勾檢賒明庭隔霄漢使節滯荒  
 遐花鳥同中土煙雲帶遠沙炎方非足慮祇切媿  
 黃麻

送項子忠明府之蒼梧

李 敏

白首蒼梧令逢人說瘴鄉藤陰鳴蛤蚧山氣暗桃  
 榔自昔由虞化何嫌本粵疆桃花栽滿縣春色勝  
 河陽

除夕

吳廷舉

新年明日到舊歲此宵徂吏隱身如寄鄰高德不  
 孤銀瓶添玉液紫竹爆紅爐飽暖知遭際天王握

瑞符

秋雨

村舍眠方定雨聲何太狂盤翻驚拔樹屋漏屢移  
牀稼穡秋來損田塍水後傷誅雲師豈敢默默禱  
穹蒼

蒼梧卽事

林弼

高閣流鶯外荒城駐馬前江寒三月雨春老百蠻  
天折柳悲橫笛飛花近釣船乾坤總羈旅把酒意  
茫然

安南貢使阮實道蒼梧以詩上諸司時觀察胡公

次其韻并和

陳熙韶

星門戎索靖日域塞煙清象齒關南道龍鑲嶺外  
營冠裳歸漢習笳鼓事郊迎側耳蠻雲裏喧闐起  
頌聲

岑溪故小往無巡按卽道亦罕有至者余以先君  
宦遊捐館祠堂在焉奔往哭奠感而成韻六首

李良臣

趨郡餘庭在終天此恨長孤兒雙涕泗一日九廻  
腸蒼雲虛望眼春鴈不成行惆悵并州意岑溪亦  
故鄉



寂寞王陽道懷親思轉深家中千里夢經訓百年  
心落日兼天遠浮雲匝地陰惟餘桃李樹春暖故  
森森

春日岑城路悠悠倍有思空將毛義檄獨灑峴山  
碑陟岵茲行役瞻雲故有涯夙懷今耿耿敢負勗  
兒詩

仰止孤亭上高山在眼中一經傳舊德十載振遺  
風春意浮庭草溪流接泮宮神遊今日地血淚杜  
鵑紅

忍誦庭聯句翻疑鯉對期遺經諸士在遊子異鄉  
悲春八瓊猶冷山深席未移敢云思不匱實荷鉅  
公詩

奠後雷雨竟作  
百里驚雷迅千峰送雨聲孰知春澤到無論是邊  
城草木重添秀嵐烟一洗清孤岑今夜客無限白  
雲情

遊花石巖

馮奕恆

古洞畱花石探奇入澗隈幽巖欹古木遊屐破荒  
苔天馬凌空去蓮花八眺來振衣饒一笑疑是到  
蓬萊

白鶴山

莫魯

峻嶒迎羽翰顧影萃山靈奇骨孤峰瘦霜毫絕頂  
輕九臯風欲靜午夜月猶明千載懸歸思棲遲若  
有情

四門巖

廬鳳

平地湧仙室諸山莫與同中疑八柱立外闢四門  
通暮色石龍雨秋聲笙鶴風似聞葉縣宰鳧鳥下  
崆峒

冲天巖

七言律詩

唐

南遊

曹唐

興盡南遊尚未回水工舟子不須催正思碧樹關  
心句難放紅螺蘸甲杯漲海潮生陰火滅蒼梧風  
煖瘴雲開蘆花寂寂月如練何處笛聲江上來

贈容南韋中丞

陳陶

普寧都護軍威重九譯梯航壓要津十二銅魚尊

畫戟三千犀甲擁朱輪風雲已靜西山寇閭井全  
移上國春不獨來蘇發歌咏天涯半是泣珠人  
和容南韋中丞題瑞亭白燕白鼠六眸龜嘉蓮  
伏波恩信動南夷交趾喧傳四瑞詩燕鼠孕靈褒  
上德龜蓮增耀答無私廻翔雪侶窺簷處照映紅  
巢出水時盡寫流傳在軒檻嘉祥從此百年知

宋

送邵道士彥甫歸都嶠洞天

蘇軾

乞得紛紛擾擾身結茅都嶠與仙鄰少能寡欲顏  
長好老不求名語益真許邁有時還學道陶潛無

酒亦隨人相逢十日還歸去萬劫千由結此因

題濯纓石

吳朝鳳

乘興滄浪水際行江澄如練接天平玉罇幕舉頻  
添酒石砥浮觶就濯纓夜月浸潭冰鑑冷密星沉  
水浦珠明南山還峙相輝映直聳蓬萊侍玉清

題濯纓石

吳元美

杖履叨從五馬行山翁醉舞樂昇平昨朝臺上觀  
垂釣今夕江邊伴濯纓瘴水東流頭半白仙山南  
望眼雙明他時誦得使君句絕似寒潭徹底清

都嶠山

郡巒環翠繡江隈八疊中峰洞府開  
劍戟香爐空際列馬鞍堦子上方  
排烟籠丹竈熬檠穩雲蓋仙人鶴  
駕來觀此寶元真勝境何須航海  
覓蓬萊

浮金亭

趙崇德

危亭我到三登眺帶酒尋花鬢似絲  
日射沙明金錯落風回波轉浪參差  
酒闌李白誰同賦老去眉山未有詩  
自笑常爲疎散客安知何日是歸期  
明

蒼梧卽事

二首

解縉

蒼梧城北繫龍洲水接南天日夜流  
冰井鱷池春

草合火山蛟室夜光浮千家竹屋臨  
沙嘴萬斛江船下石頭欹枕夢回霄  
漢近珮聲猶在鳳凰樓桂嶺東來下  
惡灘蒼梧細柳綠雲閒拍天二水通  
交廣聳日高城跨北山茅屋竹簾依  
古瀨筒槽漁艇滿江灣驛亭笳鼓中  
宵發又報南天使節還

蒼梧八景一首

千古蒼梧劍氣明白雲深鎖鶴回程  
孤舟繫住龍潛見雙井中分水潔清  
牛糞黃金遺古跡魚生丙穴出嘉亭  
仙人已去無消息皓月清風一舜庭

都嶠山

袁衷

繡江東望聳群峰玉削芙蓉紫翠重  
瑤草瓊芝春不老石臺蘿徑晝長封  
巖前風煖樓元鶴洞口雲深臥老龍  
鳳去聲遙丹竈冷我來何處覓仙踪

控粵亭

韓雍

開府蒼梧構野亭旌麾駐此喜時寧  
全收百粵歸王化遙制諸藩貢帝庭  
霜氣飛來江月白瘴烟消盡海天清  
丈夫有志堪輿內豈獨燕然可立銘

嘉魚池

清暇臨池結草廬鱣魚已去育嘉魚  
分來丙穴真相似投向濠梁樂自如  
南浦雲山增勝槩杜陵水

竹稱幽居遐荒民物霑恩遠偉績應歸太史書

控粵亭

王祐

一亭突兀鎮梧山氛祲潛銷氣槩閒  
玉帳宏開威令肅虎牙森衛鼓鞞閒  
坐招降寇分符去立待游兵報捷還  
駐節此中勞控制不因風景漫躋攀

殷中丞平廣西

沈明臣

密箐如天峭壁孤大藤峽斷走狂奴  
懸知上帝收槃瓠遂有王師滅短狐  
萬里風煙開八桂九天日月照蒼梧  
功成肘挂黃金印御史中丞漢大夫

過十二磯

在梧州

桑悅

亂石危磯急瀨聲扁舟汎汎水中萍月當秋夜十分白天到遐荒一樣青引路哨船鳴鼓吹前山軍堡出旗旌回頭便有開懷處無數峰巒列翠屏

蘇太守恣死節

黎冕

斷雲殘照接三湘七里坡前舊戰場太守何慚真烈士靖州原是古桐鄉科名一代風雲外節義千年日月光砥柱中流知有幾史臣端爲表綱常

蔣孺人貞節

蒼梧道中

顧應祥

停杯漫說蒼梧路水急峰高鳥道微薄午枕林猶宿霧深秋稚子只單衣連宵警柝村墟迥隔岸篠山草木肥慚愧爲儒無短劔倚篷時看白鷗飛

繫龍洲

潘恩

碣石嶙峋空此洲蒼梧雲逐水分流清天影落金鼇靜火嶺光連玉竦浮舟畔忽傳津吏鼓林閒時聽越人謳却慚蹤迹牽纓紱未似當年五嶽遊

都嶠山

凌景陽

山名都嶠宅神仙萬丈空巖有洞天象教數尊存  
白佛山源一脉引清泉鶴來雲蓋渾疑雪僧去香  
爐尚帶烟舉目九霄雲路近昇騰還咏紫芝篇

區几蘧明府招游都嶠

陳熙韶

諸峰雲磴倚層霄杖履過從遠俗囂丹鼎未須求  
葛令青尊今已對王喬西臨匹練三江渺北枕重  
關五嶺遙咫尺風霆猶在御與君還訪赤城標

過洪崖山望橫槎

吳廷舉

海北巡行遍九場洪崖立馬看封疆一山界限東  
西遠兩水江分左右長瘴癘不愁侵客鬢風煙漸

喜近吾鄉橫槎今昔逢交舊應有新吟和海棠  
五屯卽事

屯移古鎮小江頭江際孤城城上樓山勢昂藏開  
大府水源紆曲抱濠洲三農稷稻秋無望六月干  
戈戰未休藤斷峽空商鳥盡邊人千載仰韓麻  
繫刑部示蓋臣弟

萬里閒關作楚囚半生辛苦爲誰謀傾危九死過  
蘇軾患難相隨賴子由心事仰祈天日照話言敢  
望史官收更憂一事爲君累葬我雲山山上頭  
蒼梧懷古

徐棻

王孫芳草自天涯把酒憑高眺落霞雲冷玉環妃  
子宅春殘金菊美人家丹砂寂寞迷瑤島斑竹扶  
疎渺翠華惟有蒼梧城上月年年青影照棲鴉  
登繫龍洲東郡陳司馬

六鼇江上駕青山長控蒼梧虎豹關檻外人家葱  
翠裏城頭烟樹有無閒江濤乍斂琉璃淨苔蘚常  
封玳瑁斑下榻久傳陳仲舉一尊能否共躋扳

蒼梧花

董傳策

卽刺桐花異物志嶺南多此物因以名郡升庵楊  
太史有刺桐花行謂惟嶺南及滇中有之然觀唐

劉昌言下第詩云惟有夜來蝴蝶夢翩翩飛入刺  
桐花昌言泉州人豈閩中往亦有之抑泉固嶺南  
境耶今潯邕一帶最繁人家至插籬落春夏之交  
始開臨水作淺紅色夾粉痕千林競放妍致可愛  
炎靄迎嵐溪水潺蒼梧花發破林慳絳痕啄出鸚  
哥色粉撲翻成蝴蝶斑巧自芳菲醺碧落妍誰媿  
娜鬪朱顏風流太史滇中賦嶺表慚予語作蠻

東亭奉別憲使陶公

陳獻章

東亭西日引杯長父老連村擁畫航舊是宰官今  
憲副後來新會古岡鄉指揮戎馬能千里表裏山



河捍一方太史但收能吏傳昇平不必問耕桑  
冰井寺次韻

陳鑑

勝地逢人自勝遊不須瀛海日三邱宛延旌旆雲  
閒度綺疊烟花檻外收抗疏欲焚田錫草題詩更  
上仲宣樓臨風多少歌休助霖雨還期傅作舟

夏日遊冰井寺

吳光龍

瀕湘東折大江隈古寺深藏小徑迴白馬經函開  
石室黃梅雨過遍蒼苔香供瓶水冰凝甃錫卓雲  
林玉作臺却証前因身是佛還從摩詰問如來  
遊冰井寺

瑞龍橋

楊英叔

百尺危橋俯碧流汀蘭岸芷接芳洲倚欄長嘯江  
天暮拭目遙觀瘴海秋幾點漁燈浮水面數聲樵  
笛過山頭獨憐身在炎方遠常有丹心戀帝州

西望橋

孫廸

百年誰向此乘驄路遶天隅北斗東行役敢辭炎  
瘴毒儲胥誰憫室家空轟雷忽送隨車雨嘉穀新

垂瀟地風回首洞天渾咫尺欲尋仙跡問山公

登邀月樓

程文德

今晨忽憶別家時萬里經年尚未歸鄉國幾人懷  
令節天涯此地共斜暉登高有興來乘月久客無  
家未授衣酒醒露寒人欲別山城燈火望依微

傅氏死節

李榮

夫婿江湖度夕暉妾身冰雪守寒機深閨未覺紅  
顏改遠道驚傳白骨歸鸞掩鏡臺羞獨舞鴛連雲  
樹矢同飛丈夫一死談何易空說桃花不笑非

花夫人即  
息媯也

謂桃

游四門巖

雲上行

巨靈驅石峭為峰石裏珠宮若磬鐘絕頂無論天  
幾尺結根應透地千重幾番瞻望心逾切此日登  
臨興故濃獨憶昨朝來五馬慚為地主不追從

花石洞

李先春

何年花石自成臺為訪仙源載酒來壺裏有天餘  
日月山中無地著塵埃松濤夜落醒龍耳梅吹秋  
深起鶴猜想是巨靈曾鮮約四門今始為余開

四門巖

乾坤容易幾開樽駐馬乘秋叩四門何處金蓮垂

地液萬年玉柱作天根月明似如龍珠媚石怪猶  
疑虎跡蹲笑指丹崖尋羽客逢人直欲問桃源  
倚雲樓

倚雲樓閣冠南州指顧乾坤足勝遊四壁芙蓉雲  
外落半簾烟水望中收瘴開已見山邀月蠻靜惟  
聞牧有牛徙倚欄杆聽吹笛何人解作武城秋

重陽登塔山

重陽強起一登山秋色蕭條客思殷落帽風流今  
幾在悲秋詞賦與誰攀愁看白鴈書難寄羞插黃  
花鬢已斑天地容吾朋輩在風塵猶得一開顏

聳雲樓

區昌

新構層樓壯邑觀飛簷高聳碧雲端清秋着眼海  
天闊午夜逼人星斗寒宦業未成空自感民生多  
難敢求安江湖魏闕心無限北望何堪獨倚欄

前題

袁賓

百里城中百尺樓高明直欲冠南州九疑山色天  
邊到五管雲容席上收杜老壯懷多暇日元龍豪  
氣貫千秋古今俯仰無窮意懷水東南晝夜流

梧州卽景

張以寧

蒼梧南去近天涯六士三陳昔此家水合泮江通

漲海山來桂嶺接長沙祥光夜認司空劍爽氣秋  
迎博望槎擬共朗吟亭上客春風歸看碧桃花自註  
劍光乃漢趙佗埋劍處司空博望皆吾家故事借用

梧州懷古

吳洪

蒼梧亦是荊州地勢走蠻荒擁上游五嶺翻從天  
北落三江合向日南流白雲一散知何處斑竹千  
年倚暮秋眇眇九疑空悵望重華不見使人愁  
將至藤州喜賦

劉崧

孤城隱隱見中流入槩翩翩送客舟山擁瘴烟迷  
柳碕水穿石磧下梧州寒暄異景愁深入言語殊

方強笑酬莫嘆羈懷勞北望且勤王事賦南遊

宿梧州

任亨泰

舟泊蒼梧已一更居人無語夜澄澄露華灑面涼  
如水星影搖波焰似燈幾樹綠雲榕覆岸一雙白  
雪鷺棲汀明當訪古窮奇玩何處於今有舜陵

龍彎一首

傅惟宗

石窟藏靈自古聞碧波無底浸江濱水枯忽漲二  
三丈歲熟加收四五分神物蜿蜒盤地軸靈光歛  
燄動天文太平有象今全現白日晴嘯五色雲

國朝

題丁孝子

高熊徵

刻木芳名自漢時雙鳧懿行並傳奇郎蘭音似千  
秋訟蝴蝶山空萬古思張叔半針畱舊恨范雲一  
祭補新詩沉碑不必紛紛論至孝由來有盛祠

遊會靈臺

安九埏

層臺一望鬱嵯峨結伴尋詩到薜蘿千岫雲封青  
未了數泓水漾碧偏多僧貧古寺無燈火農老荒  
原見笠簑乘興偶來窮勝景人閒甲子幾迴過

蒼梧寫懷

陳天植

宦海浮沉幾十年亂餘星鬢蒞炎邊二三官舍都

依麓百數人家半住船村飲畫圖成往事江灘遊  
釣想先賢吾來無補蒼生處載石何人願亦然

金牛仙渡

呂廷雲

仙踪一去邈消息此地猶傳仙渡名萬古生涯流  
水逝百年世事掉波輕黃金糞土無人悟暮雨朝  
烟空鳥鳴江上只今何所見惟餘日落滿荒城

遊冰井試茗

黃裳吉

爲訪幽岑踏逕苔寒泉相對賞心開瓊花灑灑隨  
雲起玉液溶溶滴露來礪齒何人耽石漱知音有  
客試茶杯名因漫叟傳芳潔仰止慚無作賦才

魚池漾月

王之驊

千載臨池發浩歌扶南猶說范王多  
風聲拂樹飄紅葉月色橫空映碧波  
倚檻觀魚光蕩漾登山放鶴影婆娑  
一從靈鯉歸東海巖虎於今又若何

廻瀾隄

夏彪

一江東下日潺潺引向西流別一川  
城繞漣漪爲水國溪成桃李若花田  
參差植見河陽錦泐泐聲聞單父絃  
不讓白蘅湖上景碑陰棠柏尙爭妍  
南樓晚眺

何夢瑤

憑闌恰值落花旬爾許風光六眼新  
枋社綠沉烟樹影花洲江散綺羅春  
野餘牧犢眠青草溪簇行鱗上翠蘋  
東望平橋風絮晚趁墟無限醉歸人

春泛花洲

浴蠶波煖漲溪紅小雨如酥過社翁  
書帶草隨精舍長湔幫人並畫船空  
柳條織翠鶯穿浪花影搖香蝶拜風  
更欲雨邊添罨靄課僧移竹護新桐

西瀧晴嵐

李政敏

夕陽掩映翠相連恍惚西瀧別有天  
飛瀑似虹遮暮雨奇峰如筆寫雲箋  
籠嵒氣逼燒痕潤躑躅花開舊壘鮮  
三載登樓慚作賦看山屋外憶當年

桂江春泛

黃裳吉

蒼梧城下泛春航，桂浦浮金接夜郎。  
懷古不堪評往事，感時徒自問行藏。  
綠迎岸柳飛空翠，紅映山花渡水香。  
我愛清漣頻擊楫，漁歌隨處有滄浪。

五言排律

唐

發藤州

宋之問

朝夕苦遄征，孤魂常自驚。  
泛舟依島泊，投館聽猿鳴。  
石髮緣溪蔓，林衣拂地輕。  
雲峰刻不似，苔壁畫難成。  
露挹千花氣，泉和萬籟聲。  
攀幽紅處歇，躋險

緣中行，戀結芝蘭砌。  
悲纏松柏塋，丹心江北死。  
白髮嶺南生，魑魅天邊國。  
窮悲海外情，勞歌意無限。  
冷月爲誰明。

送蘇四郎俛知蒼梧

杜甫

飄飄蘇季子，六印佩何遲。  
早作諸侯客，兼工古體詩。  
爾賢埋照久，余病長年悲。  
盧綰須征日，樓蘭要斬時。  
歲陽初盛動，王化久磷緇。  
爲謁蒼梧廟，看雲哭九疑。

元

遊南山

俞樾括

二十四峰尖參差列郡南半空摩梵宇絕頂寄僧  
龕峭壁編危棧平田聳碧簪巖呈星斗七石湧佛  
身三人透龍門上書疑禹穴探銀鉤千軸麗鍾乳  
百年甘木杪浮朱閣烟開露草庵仰頭瞻抱朴側  
足禮瞿曇洞潔無飛鼠泉深貯嫩藍夕陽歸北郭  
回首白雲慙

明

梧鎮閱武

張瀚

蒼梧秋獵處細柳漢家營四望千峰障廻瞻百雉  
城潦收江岸闊木落曙烟清雲擁旌旗色風喧鼓

角聲虎鬣皆振武猺獠亦輸情無術慙三畧膚功  
藉五兵投膠非責報授鉞奈專征試把剗犀刃聊  
殲鼓浪鯨

題容州學育材堂

李綱

治世崇儒術膠庠萬宇臨自從馳羽檄誰復念青  
衿賢守來南紀宏規肇泮林飛輦開講席鼓篋拂  
書蟬採藻繡江水撫絃都嶠岑潛消戎馬氣懷集  
飛鴟音洙泗道非遠朱張賢至今大鏞在東序追  
琢且南金常袞閩風變文翁蜀化深願來遊學者  
仰副育材心



七言排律

宋

題蒼梧郡

陳執中

莫訝南方景物疎爲君聊且話蒼梧地傾三面城  
池壯水迸三江氣色麤山蓄火光因政出石藏牛  
影爲仙呼官廳傳自唐丞相民訟思從漢大夫龍  
母廟靈神鬼集鱷魚池近介鱗趨朝臺望盡悲岐  
路冰井窺頻爽髮膚膾美不堪全用鯉果珍何忍  
命爲奴雲歸上國名終遠郡帶諸藩勢未孤銅鼓  
聲浮翻霹靂枕榔林靜露珍珠溪中花檻饒桃李

疆壓鶯歌盡鷓鴣三足告祥文尙載獨峰爲盛事  
元無封疆自覺隨時廣飲食從分過嶺殊行伍戢  
威遵下武兒童知學樂從儒風輕別墅來漁唱人  
到閑坊戀酒壚服尙鮮華幾兩蜀市相交易類全  
吳營希賢帥偏栽柳扇慕良規各製蒲春聳門闌  
多列戟雪迴絃管舞雙姝只因談笑評風俗僭用  
詩謠和袴襦萬里無媒休促蹙數年從宦弄斯須  
却憂別後牽吟想欲寫幽奇入畫圖

五言絕句

宋

注玉泉

秦觀

雲蒸崑山液月浸藍田英臨風咽吭漉滿腹珠璣

鳴

明

過蒼梧

黃福

一棹抵蒼梧西山日欲晡魚羹菰已熟蛇酒入城

沽

蒼梧卽事

山色連蒼漢江流繞郡城往來橫渡口強半廣州

聲

誅茅臨水面編竹住溪流歌舞春城暮烟花自一

州

舟車頭會少泉貨尾銜歸關吏無多事看山到夕

暉

一水狂奔馬三江不辨牛寒濤六七月半沒繫龍

洲

扼險開雄鎮當關借重臣幾番貔虎士更戍往還

頻

蒼梧沂流入省

唐顯悅

雙袖梧雲滿一帆桂水明愁懷見春雨吹入鬢絲

生... 七言絕句

唐

登逍遙樓

宋之問

逍遙樓上望鄉關綠水泓澄雲霧閒此去衡陽一  
千里無因鴈足繫書還

宋

潭江卽事

黃庭堅

閉門覓句陣無已對客揮毫秦少游二子不知温  
飽味西風吹淚古藤州

月巖

題詩山寺不勝多人力爭如造化何安得短蓬巖  
下瀨長看清影照寒波

寒山

空翠紛紛冷不流風雲長是護靈湫山神鞭起龍  
行雨散作炎州六月秋

筆山

陶崇

晚來設色霞成綺秋至回文鴈作行借問墨池何  
處是一江環繞漱琳瑯

元

石壁秋風

麥 徵

千尺丹崖削石屏  
波光倒樹水雲行  
何當借我煙霞榻  
臥聽泉流看月明

鴨灘霜籟

麥 徵

中流亂石水交加  
灑灑寒聲帶雪花  
霜月不隨流水去  
只將秋色伴漁家

赤峽晴嵐

麥 徵

水氣初生雲氣浮  
山林不辨鳥聲幽  
天風吹入三竿日  
草色依依水遶州

谷山列障

麥 徵

翠黛環山似城郭  
鳥啼春雨巖花落  
天晴長日捲簾看  
却放餘青入簾幙

明

藤縣卽事

解 縉

三月藤江聽子規  
煙花細雨濕征衣  
遙知鄉里逢寒食  
處處人家上塚歸

至容州將赴北流聞陸州道梗

劉 崧

都嶠山前望北流  
丹砂勾漏若爲求  
陸川更在浮雲外  
落日旌旗生遠愁

贈陸叅戎致仕

吳廷舉

木少府志 卷之二十三  
天門屢疏乞丹邱書畫弓刀共一舟剩水殘山歸  
與早白鷗放去狎輕鷗

三江五嶺掛弓人鐵甕金山在告身藥裹未成新  
活計樓船又渡舊將軍

粉壁道中

劉崧

樹杪高崖盡插天巖腰墜石半侵田火燒山木斷  
平路騎馬亂行江水邊

寓冰井寺

桑悅

郡南數里有蘇山坡老當年暫往還此地山名宜  
屬我漫亭曾寄一春閑

沙田春雨

鄭善夫

東風吹雨徧山溪林外催耕不住啼豐歉在天勤  
在我禳田何用費豚蹄

石井寒泉

何年神斧斷青冥石骨流來一派清不爲行人濟  
炎渴千秋巢許亦虛名

初至蒼梧

程文德

蒼梧自合棲丹鳳凡鳥何緣亦此來回首五雲天  
正北校書會上鳳凰臺

釣魚臺

梁允瑤

四尺長杆十尺絲石潭深處白魚肥炎荒不報春  
山雪漫著羊裘坐釣磯

蒼梧君子亭漫咏

蘇璿

秋聲何處急悲笳一曲歌殘遍落霞獨坐長亭聽  
不盡滿天風雨滴黃花

題丁孝子

金文仲

地名勝母曾參避自是丁郎在此邨可惜古碑沉  
水底遊人不得細評論

靈芝賦 通志

胡榮

都憲韓公總治兩廣開府蒼梧之歲有芝七莖產

於行臺東池之上志瑞應於方來謹稽載籍有曰  
芝生於土土氣和則芝草生又曰王者仁慈則芝  
草生榮忝職文學侍左右目覩斯瑞因為賦之其  
辭曰

天地函和秀氣肇敷挺生靈草嘉瑞珍符蘊日星  
之精采承雨露之滋濡炳五色兮煥爛濯六英兮  
郁如土質純而莖紫金葢錯而柯朱翳開府之臺  
榭絢瑞草於庭除叢蘭發其芬馥淥水增其清虛  
葩層綺而最結輝奪霞而晚舒豈用培與用植抑  
不根而不株繁良芳之開落諒有榮而無枯闕幽

香於奧室美君子兮與居於是考厥攸感由公總  
憲紀綱藩翰綏輯宇縣展才卓犖修政罔倦文學  
俎豆之陳武將牙旗之建咸簡能而黜否倏懦立  
而頑勸熄狼烽之飛焰底民生於永奠雖抑情以  
奉詔亦罔極之爲戀肆元宵兮降監錫無疆兮佑  
眷因物產以表祥俾治平之日見公乃名軒以志  
休徵用章詞林與頌歌聲洋洋匪云溢美爰罄揄  
揚矧公志之謙抑歸感召於吾皇覽商山之采茹  
殆隱逸之所藏俾仙人之服食亦旣涉乎渺茫若  
昔炎漢元封之始甘泉之宮聿薦芝房神爵紀元

函德之殿金芝煌煌茲故應君之忠孝大昭信史  
之耿光再稽列傳古有孝子曰韋曰楊天監其誠  
產於墓傍亦有邵宰化行新昌天亦監之芝草爲  
祥斯又善行之徵歷千載而流芳丕惟今日主聖  
臣賢仁風義澤遐布旁宣聲教所暨周於八埏兩  
閒和氣充洽麗全故有芝草維時產焉肅聞當宁  
惕然恐懼不慶祥瑞恆省災異方且放珍禽屏奇  
技隆孝養謹時祀恤窮民罷瘵吏期五穀之豐登  
書大有以表歲誠罔眩後世之虛文而懋式前王  
之祇畏公亦以表宸衷在位靖共咨詢諏度采菲

采葑靡姦弗遠靡德弗崇一夫不獲引咎責躬儼  
古人兮維則慕元老之淳風媿方叔與召虎賡同  
寅而協恭允克致中和贊化育平泰階調玉燭將  
觀麒麟鳳凰萃於郊藪卿雲華松生於棟牖必有  
太史抽毫司勳稽首紀一世之嘉祥同茲軒而永  
久

漫泉亭賦

陳公洙

漫泉唐元子漫叟所銘冰泉也去今七百餘年銘  
字盡泐獨元子官名兩存若有呵護之者吁亦異  
矣哉今御史大夫崑山葉公重元子仁政又紀文

於石而亭覆其上命洙爲之賦其辭曰

天與貞良七葉中唐令聞令望有叟漫郎繫大歷  
之初載駐玉節於南荒諭蠻酋而王化洽綏八州  
而民物康爰顧以瞻恤此邊土乃駕輜車乃歷險  
阻乃采風謠以問疾苦於時蒼梧東灘水北地關  
闢元脉溢泱泱涓涓盈盈奕奕注醴泉之芳溶溜  
石髓之香液挹之而杯勺冰漸激也而齒牙霜刺  
清飈颯兮含英霽月湛其流魄斯媿潔於檐帷又  
鑑榮於棨戟心旣沁兮澄源煩斯滌兮疏澤於是  
俯而歎仰而興泆休泳美命名曰冰代堅貞於金



石繹雅思以鐫銘穹龜負兮屹屹蟠螭紐兮瑩瑩  
麗林谷兮鳳鸞翥燭天壤兮奎章明歷星移而物  
換經日爍與雨零歎泉竭而石泐終呵護於神靈  
爾乃跡踵前徽美傳後起緬維清風追茲盛軌靖  
嶺海之瘡痍來弼丞之德履豸冠兮峩峩繡衣兮  
煒煒曰撫曰巡於泉蒞止莽四顧兮蹟湮碑一角  
兮土委洗蝸篆於蘚青剔蚓文於苔紫幾剝蝕之  
無餘面晤言於元子噫吁嘻殆天乎哉光有唐而  
欽庶位表楨幹於賢才擷忠貞而偃蹇庇民物而  
勞來耿遺文之光燄恍誦讀以增懷今復全名於

毀石夫豈人力之能爲矧茲泉固休澤之儼在而  
茲州又仁愛之所遺忍置焉而不治奚以慰永懷  
於蒸黎乃鳩而工乃斲而木爰葺爰營紀勒貞玉  
以漫易冰兮無鑑於水而鑑於人覆井以亭兮俾  
汲其泉者食其福登斯亭也漑漫泉之流膏餘潤  
其終不可得而諉乎而觀斯泉也挹漫叟之清風  
逸韻其尙可得而論乎川不能以不竭而勺水爲  
有本之源山不能以不凌而片石比世守之璠乎  
銘千載而不泯井終古爲不胥乎噫吾知之矣雖  
運會有升沉而有亭翼然殆如靈光之巋然而長

存者乎

游花石巖賦

黃宣

於樂懷陽秀石峙嶸盤錯蒼梧枕騎交粵挺元黃  
之麗象跨嶺海而橫越秉標引峰連綿嶠嶂體爽  
熒以屹嶻紛郁郁以纏列或崔嵬兮而峩嶇或嵒  
崕兮而嶰嶰或簪岑兮嶮刺以參差或嶙峋兮嶮  
嶮而斷絕或下平衍而曠蕩或上哈呀而卓絕於  
東則青江滄瀟蕩其胸於南則赤水激湫衝其穴  
其巖則有四門洞囑縱橫崎嶇鬼嶂怪崕儼若天  
闕芝房無以參閻風不能劣於前則有冲天石竇

上泊元幽炫耀虹蜺于斗射牛雲鳥穿飛石上曾  
莫知其攀遊於傍則有坂坻噴岈而成巘狀若藻  
蓮猗旒太華競秀爭妍游女弄奇於若邪之曲耕  
父揚光於清冷之淵於右則有北面齊岳雙峰峻  
崕隆崇巋峩豐冠山之朱堂盤糾玲瓏麗員嶠之  
瑤室爾乃開白雲之莊披素書之帙藤簾雲幌霏  
微映日圓地生明曲若新月邈乎哉洵宜望之無  
際恬矣哉蓋流盼而靡一至若青冥廻薄巍巍銀  
表道人兮羽化雲女兮嫋嫋金鷲石魚兮時不散  
龍鼎元珠兮沉不曉淒乎雲淹兮神何奇溢乎水

滴兮澤矣小爾乃登嶠嶢覽遐迩披巉巖眺諸石  
則有決若奔驟類天馬之騰空蜿若游龍儼巨鼇  
之立極或前橫若削而筆聳或後赴若敵而劍擲  
或霧若雲門而鬣鬣或覆若洪鍾而仆仄或連若  
累空而輻輳或散若蹲踞而遠植美哉茂麗臨望  
廣矣奇矣衆備難覩記矣於是乃列寺營址樓樓  
於後東西膠葛南北駢複雕華鏤采雜出奇構於  
是乃崇基表刹金彩玉璞施不舍之壇結無緣之  
閣掩室摩偈演勿炤之真明杜口毗邪通息言之  
妙覺夫然後九衢之草千芳四照之花萬灼崖谷

共清地景交連於是同塵井井都人女士衮服靚  
粧雜杏雲纒躡臯巒以馳鶩蕩神情之曠美恨百  
年之迅度目豐容之難似追穹輿之無盡識蜉蝣  
之幾遇於是有朱輪鼎貴賓從奕奕陳詩采風飛  
觴舉白澹忘懷乎紛務暢游倪於瞬息於是有元  
真之子輕妙之客攀雲巍之石室尋霞舉之仙舄  
仰葱翠以延脰恣遨遊以高適此則花石洞之梗  
槩世得爲雄羨者也若夫悟暉韶而葉綺感豔節  
而花燃雜好鳥之流聲釋機情於魚筌玩盈虛於  
物化揆奧義於瓊篇綠草萋而送春朱櫻薦而迎

夏愛晨風之弄旭厭鳴蛙之譟夜閑踟躕於月觀  
喜澹蕩於臺榭搜泐滲以魂搖托離騷而賦寫人  
安得而不懷余安能以默謝乎客曰若吾子之言  
大都能道其要妙所謂闡究於前聞發蒙於未覺  
矣盍爲竟其說焉遂辭曰遼廓萬有天地宅兮洪  
荒無傳誰斧闢兮

縣志字訛簡  
錯辭不全載

